



JADUAL PEMBACAAN KHUTBAH JUMAAT SIRI 1/ 2022

(Bulan Januari Tahun 2022)

Bil.	Tajuk	Tarikh	Muka surat
1.	TAHUN BERLALU, MANA AZAM BARU?	7 Januari 2022M/ 4 Jamadillakhir 1443H	3
2.	NABI MUHAMMAD: IDOLA UMAT	14 Januari 2022M/ 11 Jamadillakhir 1443H	9
3.	MENJADI SOLEH DAN MUSLEH	21 Januari 2022M/ 18 Jamadillakhir 1443H	15
4.	MENSYUKURI NIKMAT UMUR	28 Januari 2022M/ 25 Jamadillakhir 1443H	24
Khutbah Kedua			

Percetakan dibiayai:



زكاة قولوا فينح

No Telefon: 04-549 8088

***Jawatankuasa Panel Semakan Teks Khutbah
Negeri Pulau Pinang***

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 3. Ustaz Rosli bin Othman**
Ketua Sektor Pendidikan Islam,
Jabatan Pendidikan Negeri Pulau Pinang
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)



MENSYUKURI NIKMAT UMUR

(28 Januari 2022M/ 25 Jamadilakhir 1443H)

الْحَمْدُ لِلَّهِ الَّذِي أَرْسَلَ رَسُولَهُ بِالْهُدَى وَدِينِ الْحَقِّ لِيُظْهِرَهُ عَلَى الدِّينِ كُلِّهِ
وَلَوْ كَرِهَ الْمُشْرِكُونَ،
أَشْهَدُ أَنْ لَا إِلَهَ إِلَّا اللَّهُ وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ،
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ
وَمَنْ تَبِعَهُمْ بِإِحْسَانٍ إِلَى يَوْمِ الدِّينِ.
أَمَّا بَعْدُ. فَيَا عِبَادَ اللَّهِ! اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ.

SIDANG JEMAAH YANG DIRAHMATI ALLAH,

Marilah kita bersama-sama mempertingkatkan ketakwaan kita kepada Allah سُبْحَانَهُ وَتَعَالَى dalam erti kata takwa yang sebenarnya sama ada di kala kita berseorangan diri ataupun ketika berada di khalayak ramai. Juga takwa yang dapat menumbuhkan rasa syukur atas segala nikmat Allah سُبْحَانَهُ وَتَعَالَى yang tidak terhingga banyaknya. Semoga Allah memasukkan kita ke dalam golongan hamba-hamba-Nya yang bertakwa lagi soleh.

Sebelum melanjutkan bicara, suka khatib memberi peringatan. Marilah kita berikan sepenuh tumpuan kepada isi kandungan khutbah hari ini. Sedarlah bahawasanya perbuatan berbual-bual, bermain telefon bimbit atau tidur dengan sengaja adalah perbuatan sia-sia yang boleh menjejaskan kesempurnaan meraih ganjaran pahala. Mimbar pada hari ini akan membicarakan khutbah bertajuk: “**Mensyukuri Nikmat Umur**”.

KAUM MUSLIMIN YANG BERBAHAGIA,

Sesungguhnya Allah **سُبْحَانَهُ وَتَعَالَى** sentiasa mengurniakan pelbagai nikmat yang tidak terhitung banyaknya. Dalam hal ini Allah SWT berfirman dalam Surah An-Nahl ayat 18:

وَإِنْ تَعُدُّوا نِعْمَةَ اللَّهِ لَا تُحْصُوهَا إِنَّ اللَّهَ لَغَفُورٌ رَحِيمٌ ﴿١٨﴾

Maksudnya: “Dan jika kamu menghitung nikmat Allah (yang dilimpahkannya kepada kamu), tiadalah kamu akan dapat menghitungnya satu persatu; Sesungguhnya Allah Maha Pengampun, lagi Maha Pengasih.”

SAUDARA-SAUDARA KAUM MUSLIMIN YANG BERBAHAGIA,

Antara nikmat Allah yang dikurniakan kepada hamba-Nya ialah nikmat umur. Ia merupakan nikmat Allah **سُبْحَانَهُ وَتَعَالَى** sangat mahal dan tidak dapat dinilai dengan wang ringgit mahupun emas permata.

Maka sudah sepatutnya kita bersyukur dan berterima kasih kepada Allah SWT atas sisa umur yang masih berbaki ini. Salah satu caranya adalah dengan mengabdikan diri kepada Allah dengan mengerjakan segala perintah-Nya dan meninggalkan segala larangan-Nya serta memperbanyakkan amal bakti kepada umat. Kita juga perlu bersedia melaksanakan serta menegakkan syiar Islam sama ada dengan harta, tenaga mahupun buah fikiran dengan penuh ikhlas dan jujur.

Semakin bertambah umur kita setahun maka semakin dekatlah pula kita kepada ajal. Semakin dekatnya kita dengan ajal maka semakin dekatlah pula kita dengan liang kubur. Oleh sebab itu, hendaklah kita menggunakan umur yang ada sekarang ini dengan sebaik-baiknya. Janganlah pula kita terpedaya dengan kekuatan dan kesihatan tubuh badan kita. Semuanya itu akan berakhir apabila tibanya ajal. Marilah kita menghayati sabda Rasulullah **صَلَّى اللَّهُ عَلَيْهِ وَسَلَّمَ**:

خَيْرُ النَّاسِ مَنْ طَالَ عُمُرُهُ وَحَسَنَ عَمَلُهُ، وَشَرُّ النَّاسِ مَنْ طَالَ عُمُرُهُ وَسَاءَ عَمَلُهُ

Maksudnya: *“Sebaik-baik manusia itu ialah orang yang panjang umurnya dan baik amalannya, manakala seburuk-buruk manusia itu ialah orang yang panjang umurnya dan buruk amalannya.”*

(Hadis Riwayat Imam Ahmad)

SAUDARA-SAUDARA YANG DIMULIAKAN ALLAH,

Umur yang dipanjangkan kepada kita ini akan dipertanggungjawabkan di hadapan Allah **سُبْحَانَهُ وَتَعَالَى** di akhirat nanti. Kita akan ditanya oleh Allah mengenai umur, ke mana dihabiskan dan untuk apa digunakan. Pada masa itu, kita tidak dapat berdusta sedikit pun kerana seluruh anggota badan akan menjadi saksi tentang apa dan untuk apa dipergunakan umur yang telah dipinjamkan oleh Allah itu. Pada hari itu, bagi mereka yang melakukan kemaksiatan, maka penyesalan adalah tidak berguna lagi kerana tiada lagi peluang untuk bertaubat dan beramal soleh. Manakala mereka yang bertakwa dan beramal soleh maka mereka akan beroleh kebahagiaan hasil usaha mereka memanfaatkan umur semasa hidup di dunia. Rasulullah **صَلَّى اللَّهُ عَلَيْهِ وَسَلَّمَ** bersabda yang bermaksud:

“Tidak akan berganjak kedua kaki anak Adam pada hari ini kiamat sehingga ia ditanya mengenai umurnya ke manakah ia habiskan, tentang ilmunya di manakah ia amalkan, tentang hartanya bagaimana ia perolehi dan ke mana ia dibelanjakan dan tentang tubuh badannya untuk apa digunakan.” (Hadis Riwayat At-Tirmizi)

SIDANG JUMAAT YANG BERBAHAGIA,

Bagi manusia yang beriman kepada Allah **سُبْحَانَهُ وَتَعَالَى**, sudah pasti mempercayai bahawa pada suatu masa yang telah ditentukan, ajalnya akan tiba dan dia akan pulang ke *rahmatullah* bagi menghadapi pertanggungjawaban umurnya kepada Allah. Apabila kepercayaan ini sudah tumbuh dan menjadi keyakinan yang kuat, maka manusia sudah tentu akan berusaha mencapai *‘Husnul Khatimah’* iaitu penghabisan umur yang baik.

Tiada lain tempat balasannya melainkan syurga. Firman Allah dalam Surah An-Nahl 97:

مَنْ عَمِلَ صَالِحًا مِّنْ ذَكَرٍ أَوْ أُنْثَىٰ وَهُوَ مُؤْمِنٌ فَلَنُحْيِيَنَّهٗ حَيٰوةً طَيِّبَةً وَلَنَجْزِيَنَّهُمْ أَجْرَهُمْ بِأَحْسَنِ مَا كَانُوا يَعْمَلُونَ ﴿٩٧﴾

Maksudnya: “Sesiapa yang beramal soleh, dari lelaki atau perempuan, sedang dia beriman, maka sesungguhnya Kami akan menghidupkan dia dengan kehidupan yang baik dan sesungguhnya kami akan membalas mereka, dengan memberikan pahala yang lebih dari apa yang mereka telah kerjakan”.

HADIRIN SIDANG JUMAAT YANG DIMULIAKAN,

Mengakhiri khutbah, marilah kita sama-sama mengambil peringatan daripada sebuah hadis Rasulullah ﷺ yang berbunyi:

إِغْتَنِمْ خَمْسًا قَبْلَ خَمْسٍ : صِحَّتَكَ قَبْلَ سَقَمِكَ، فَرَغَكَ قَبْلَ شُغْلِكَ، شَبَابَكَ قَبْلَ هَرَمِكَ، غِنَاكَ قَبْلَ فَقْرِكَ، حَيَاتَكَ قَبْلَ مَوْتِكَ

Maksudnya: Pergunakanlah lima kesempatan sebelum datangnya lima kesempatan:

1. Pergunakanlah kesempatan sihatmu sebelum datang sakitmu,
2. Pergunakanlah kesempatan masa lapangmu sebelum datang masa sibukmu,
3. Pergunakanlah hari mudamu sebelum datang hari tuamu,
4. Pergunakanlah kesempatan semasa kayamu sebelum datang miskinmu,
5. Pergunakanlah kesempatan masa hidupmu sebelum datang saat kematianmu.

(Hadis Riwayat Al-Baihaqi)

Oleh sebab itu, marilah kita gunakan kesempatan hidup ini untuk memperbaiki langkah kita yang lalu agar mencapai kehidupan yang bahagia di dunia dan di akhirat serta mendapat keredaaan Allah ﷻ. Firman Allah dalam Surah Al-Baqarah ayat 281:

وَاتَّقُوا يَوْمًا تُرْجَعُونَ فِيهِ إِلَى اللَّهِ ثُمَّ تُوَفَّى كُلُّ نَفْسٍ مَّا كَسَبَتْ وَهُمْ لَا يُظْلَمُونَ ﴿٢٨١﴾

Maksudnya: “Dan peliharalah diri kamu dari huru-hara hari (hari kiamat) yang padanya kamu akan dikembalikan kepada Allah. Kemudian akan disempurnakan balasan tiap-tiap seorang menurut apa yang telah diusahakannya, sedang mereka dikurniakan balasannya sedikit pun”.

بَارَكَ اللَّهُ لِي وَلَكُمْ فِي الْوَحْيَيْنِ، وَنَفَعَنِي وَإِيَّاكُمْ بِمَا أُنْزِلَ عَلَى سَيِّدِ الثَّقَلَيْنِ،
وَتَقَبَّلَ مِنِّي وَمِنْكُمْ طَاعَتَهُ لِسَعَادَةِ الدَّارَيْنِ، أَقُولُ مِنْ قَلْبِي الْحَنِينِ،
وَأَسْتَغْفِرُ اللَّهَ الْعَظِيمَ لِي وَلَكُمْ أَجْمَعِينَ، وَلِسَائِرِ الْمُسْلِمِينَ وَالْمُؤْمِنِينَ،
الْأَحْيَاءِ مِنْهُمْ وَالْمَيِّتِينَ، فَاسْتَغْفِرُوهُ يَا فَوْزَ الْمُسْتَغْفِرِينَ، وَهُوَ أَرْحَمُ
الرَّاحِمِينَ.



Khutbah Kedua Bulan Januari

2022M/ 1443H

أَلْحَمْدُ لِلَّهِ رَبِّ الْعَالَمِينَ، وَالصَّلَاةُ وَالسَّلَامُ عَلَى سَيِّدِنَا مُحَمَّدٍ النَّبِيِّ الْأَمِينِ، وَعَلَى
آلِهِ وَأَصْحَابِهِ الطَّاهِرِينَ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ حَقَّ تَقَاتِهِ وَاعْلَمُوا أَنَّ اللَّهَ أَمَرَكُمْ بِأَمْرٍ عَظِيمٍ، أَمَرَكُمْ
بِالصَّلَاةِ وَالتَّسْلِيمِ عَلَى نَبِيِّهِ الْكَرِيمِ، فَقَالَ اللَّهُ تَعَالَى: إِنَّ اللَّهَ وَمَلَائِكَتُهُ يُصَلُّونَ عَلَى

النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

اللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ، كَمَا صَلَّيْتَ عَلَى سَيِّدِنَا
إِبْرَاهِيمَ وَعَلَى آلِ سَيِّدِنَا إِبْرَاهِيمَ وَبَارِكْ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ،
كَمَا بَارَكْتَ عَلَى سَيِّدِنَا إِبْرَاهِيمَ وَعَلَى آلِ سَيِّدِنَا إِبْرَاهِيمَ فِي الْعَالَمِينَ إِنَّكَ حَمِيدٌ
مَجِيدٌ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ،
اللَّهُمَّ آمِنَّا فِي أَوْطَانِنَا وَأَصْلِحْ أَيْمَتَنَا وَوُلَاةَ أُمُورِنَا وَاشْمَلِ اللَّهُمَّ بِعِنَايَتِكَ وَتَوْفِيقِكَ
عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-
Pertuan Agong, Al-Sultan Abdullah Ri'ayatuddin Al-Mustafa
Billah Shah Ibni Almarhum Sultan Haji Ahmad Shah Al-Musta'in

Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ احْفَظْ عُلَمَاءَهُ وَوُزَرَءَهُ وَقَضَاتَهُ وَعُمَّالَهُ وَرَعَايَاهُ مِنَ الْمُؤْمِنِينَ وَالْمُؤْمِنَاتِ بِرَحْمَتِكَ يَا أَرْحَمَ الرَّاحِمِينَ.

اللَّهُمَّ اجْعَلْ بَلَدَنَا مَالِيزِيَا أَمِنًا مُطْمَئِنًّا، سَخَاءَ رَحَاءٍ، دَارَ عَدْلٍ وَإِيمَانٍ، وَأَمْنٍ وَأَمَانٍ، وَسَائِرِ بِلَادِ الْمُسْلِمِينَ.

اللَّهُمَّ أَعِزَّ الْإِسْلَامَ وَالْمُسْلِمِينَ، وَدَمِّرْ أَعْدَاءَكَ أَعْدَاءَ الدِّينِ وَانصُرْ مَنْ نَصَرَ الدِّينَ، وَاخْذُلْ مَنْ خَذَلَ الْمُسْلِمِينَ، وَأَعْلِ كَلِمَتَكَ إِلَى يَوْمِ الدِّينِ.

اللَّهُمَّ ادْفَعْ عَنَّا الْبَلَاءَ وَالْغَلَاءَ وَالْوَبَاءَ وَالْفَحْشَاءَ وَالْمُنْكَرَ وَالْمِحْنَ وَالْفِتْنَ، مَا ظَهَرَ مِنْهَا وَمَا بَطَنَ، مِنْ بَلَدِنَا هَذَا خَاصَّةً، وَمِنْ بُلْدَانِ الْمُسْلِمِينَ عَامَّةً، إِنَّكَ عَلَى كُلِّ شَيْءٍ قَدِيرٌ. اللَّهُمَّ إِنَّا نَعُوذُ بِكَ مِنَ الْبَرَصِ، وَالْجُنُونِ، وَالْجُدَامِ، وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf. Rahmatilah kehidupan kami.

Ya Allah! Berilah petunjuk-Mu kepada kami, pemuda-pemuda kami, pemimpin-pemimpin kami untuk memberikan khidmat bakti kepada agama, bangsa dan negara.

Ya Allah! Kau hindarilah kami daripada perbuatan-perbuatan khianat dan durjana yang merosakkan kepentingan agama dan negara. Ya Allah! Janganlah Engkau balakan kami di atas kedurjanaan sebahagian daripada orang-orang bodoh dari kalangan kami.

اللَّهُمَّ قَوِّ إِيْمَانَنَا، وَوَحِّدْ صُفُوفَنَا، وَاجْمَعْ قُلُوبَنَا عَلَى مَحَبَّتِكَ وَنُصْرَةِ شَرِيعَتِكَ،
بِرَحْمَتِكَ يَا أَرْحَمَ الرَّاحِمِينَ.

سُبْحَانَ رَبِّكَ رَبِّ الْعِزَّةِ عَمَّا يَصِفُونَ، وَسَلَامٌ عَلَى الْمُرْسَلِينَ، وَالْحَمْدُ لِلَّهِ رَبِّ الْعَالَمِينَ.
(سورة الصافات)